

## Das Erste Buch

### Das XXXIV. Capitel.

#### Jungfrawschafft zu erkennen.

**S**eweil sichs denn auch offnals begibt / daß mancher Bräutigam an seinem Hochzeitlichen ehren Tage gedencket in Engellandt zu schiffen / wie Michael Vayst schreibt / wird aber vom Winde verschlagen / vnd kommt über zu versicht in Holland. Als wil ich etliche Kunststücke anhero sezen / wie man solche Holländerinnen probiren sol.

Nim Armoniacum, temperier es mit Brunnenwasser / gib es einer Jungfrau zu trincken / vnd wen sie keine Jungfrau ist / thut sie bald harnen. Alex. Pedemont. de secretis part. 2.

Oder binde ihr Wolffeskraut in den Cranz / vnd setze ihr s̄hn auff / daß ihr der Cranz forn an die Stirn rhüret / bleibt er ihr auff dem Kopffe / so ist sie rein / wo nicht / meretrixest Andreas Jesner in seiner Kunstkammer.

Oder nim die Gall von einem Hasen / vnd wirff sie in die Kanne / da sie aufztrincken sol.

Oder nim Wurzel von Ephew / brenne sie zu Pulver / vnd halts ihr für die Nassen / ist sie vnrein / so kan sie den Harn nicht halten.

Item / Johan. Bapt. Porta gedencket eines wunderbahrlichen Rauchs / den man von dem Samen des Wurzelkrauts oder Klebenbleitter machen / vnd durch einen Trichter in die Weibliche scham lassen sol / so kan dieselbe Person / so ihrer Ehren nit froñ / den Harn nicht halten / ist sie aber iherer Jungfrawschafft unverschert / so behalt sie den Harn.

Item, vulva virginis semper est clausa, sed mulieris semper aperte stat, ideo virgo altius mingit quam mulier. Si vis experiri utrum sit corrupta, pulveriza fortiter flores lilii crocei, quisunt inter flores, & da ei comedere de illo pulvere: Si corrupta statim mingit.

Item